

Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

XLVI. Vtrüm is infirmus, qui quidem aliqua contritionis signa in genere edit; veruntamen nec voce, nec nutu in particulari aliquod peccatu[m] exprimere potest, sit absoluendus.

urn:nbn:de:hbz:466:1-30362

Sacramentum fieret contritus; nec tamen illicò subueniri illi oportet per Eucharistiam, & cùm ius habeat ad Absolutionem, quam denegare, ingens foret sacrilegium cum iniuria coniunctum; eo præsertim articulo, quo, in re dubia in eam partem inclinādum est, ut Ecclesiasticis subsidiis exeunti ab hac vita succurratur.

*Estne is infirmus, qui quidem aliqua contritionis signa in genere edit; Verum tamen nec voce, nec nutu in particulari aliquod peccatum exprime-
re potest, absoluendus?*

Quæstio

XLVI.

INFIRMVS, qui aliqua contritionis signa præsente vel absente Sacerdote dederit, Sacramentali ritu ab omnibus peccatis absoluendus est. Id quod probatur iis, quæ sequuntur urgentibus ac firmis argumentis.

P R I N C I P I O, hanc sententiam confirmat Canon Cōciliij Carthaginensis quarti, vbi sic definitur: *Is qui in infirmitate pœnitentiam petit, si casu, dum ad eum Sacerdos inuitatus venit, oppreslus infirmitate obmutuerit; dent testimonium, qui eum audierunt, & accipiat Pœnitentiam.* Et si continuò credatur moriturus, reconcilietur & infundatur ori eius Eucharistia.

R V R S V S, hunc in modum statuitur:

G 7

Si per

Con. Car-
tha. 4. 26.
q. 6. capit.
Is qui.

Caput III. De Qualitate

De Consé- Si per se respondere non possunt, cùm vo-
cra:dist. 4. luntas eorum suum testimonium dixerit,
Ca. ægro- baptizentur; similiter & de pœnitentibus
tantes. agendum est.

Concil. A- P RÆ T E R E A, Concilium Araufica-
raul. c. 12. num statuit: Subito obmutescens, inquit,
& Baptismum & Pœnitentiam accipere po-
test; si voluntatis præteritæ testimonium
habeat.

Si quis dicat, hos **Canones** intelligendos
esse de publica Pœnitentia, non etiam de Sa-
cramentali; huic occurrentum est, nequa-
quam accipi debere de Pœnitentia publica,
cùm expressè cautum sit, ne cuiquā in hora
mortis, Pœnitētię qualitas imponatur. Cùm
ergo hi **Canones** iubent imponi Pœniten-
tiam; mentionem quoque faciant manuum
impositionis, atque adeò infirmos Euchari-
stiæ participes esse velit; clarissimè constat,
non de publica illa Pœnitentia, sed Sacra-
mentalı intelligendos esse.

Neque magnopere militat contra hanc
sententiam, quod eiusmodi infirmus nullam
iudicio Sacerdotis materiam subiicit: Nam
per hoc ipsum quod nonnulla contritionis
promat signa, Sacerdotemque expetuerit,
satis superque materiæ est Sacerdoti ad iu-
dicandum de pœnitente.

Si hominis obliuiosi Confessio rata fùm
in Ecclesia, tūm etiam coram DEO habetur,
licet post

27.q. 7.ca.
Ab infir-
mis.

licet post diligentem conscientiae discussio-
nem, memoriam ipsius fugerit peccatum;
quidni & infirmi Confessio censebitur legi-
tima, cum per naturae vires supra modum
affectas steterit, quod minus singulare ali-
quod peccatum in Sacerdotis notitiam po-
tuerit traducere.

Cæterum tria sunt duntaxat propter quæ
requiritur in Sacerdote singulorum pecca-
torum cognitio: PRIMVM est, ut de vo-
luntate pœnitentis; num Sacramenti parti-
ceps esse velit, constet. SECUNDVM est,
ut possit pro diuersa criminum ratione sa-
lutarem iniungere satisfactionem: TER-
TIVM, ut contra reciduum efficax adhi-
beat remedium. Posterioribus duobus lo-
cus non est in agonizantibus cum morte, &
de voluntate pœnitentis per edita signa fa-
tis constat. Nihil ergo obstat quod minus Sa-
cramenti Absolutione DEO & Ecclesiæ re-
conciliari possit.

Sacerdos itaque ad infirmum accersitus,
primùm omnium, si fieri potest, audiat eius
aliquid peccatum in particulari. Quod si
ita inualuerit infirmitas, ut voce destitutus
sit; studiosè obseruet signa; an aliquod præ
se ferant Confessionis desiderium, & tunc
ne dubitet absoluere. Si verò neque loqui
neq; nutu, aut signo quoquam manifestare
valet, Confessarius astantium quærat testi-
monium

Caput III. De Qualitate

monium de aliquibus contritionis signis, quæ si adfuerint, absque scrupulo potest absoluī.

Porrò si quis subitò in phrenesin incidat, aut apoplexiā, aliōue morbo corripiatur, quo totum corpus & mens stupeat, & nulla pœnitentia dederit signa; huic impendenda non est Sacramentalis Absolutio: Sacramentum tamen extremæ Vnctionis poterit ei conferri.

*Quæstio
XLVII.*

*Quomodo Confessio debet es-
se secreta?*

Respōsio. CONFESSIO peccatorum, publica quidem esse potest; plurimū tamen ad conservationem eius in Ecclesia facit, ut sit secreta. Id quod hac ratione probatur: Legem naturæ lex gratiæ non destruit, sed perficit; lex autem naturæ docet & admonet, ne occulta verendaque crima in publicum, nisi via iuris ad eorum vindictam proferantur. Lex autem gratiæ Diuinæ iubet omnia peccata, etiam occulta cōfiteri. Ergo inde colligitur, Confessionem debere esse secretam; aliōqui renuente natura, aut homines confiteri nolent; aut non nisi violentissimè possent ad Confessionem adduci; cùm tamen Diuina prouidentia iuxta cuiusque naturam & ingenium suauiter omnia disposuerit.

Igitur cùm hæretici nos interrogando perurgent,